

# Sunnablumma



Fitzgerald  
Kusz

Gedichte

ars vivendi

fitzgerald

kusz

sunnablumma

gedichte

ars vivendi

Originalausgabe

1. Auflage August 2021  
© 2021 by ars vivendi verlag  
GmbH & Co. KG, Cadolzburg  
Alle Rechte vorbehalten  
[www.arsvivendi.com](http://www.arsvivendi.com)

Umschlaggestaltung: Christian Frick  
Typografie und Ausstattung: ars vivendi  
Druck: Custom Printing  
Printed in the EU

ISBN 978-3-7472-0308-8

sunnablumma

*es walbälä ist unsä fudschijama  
jedä mou in seim lehm ämall nauf  
obbä dä schnäi fehd im summä, dä schnäi*

# Inhalt

|               |     |
|---------------|-----|
| 1. natur      | 11  |
| 2. fotoalbum  | 33  |
| 3. ach herz   | 49  |
| 4. horoskop   | 67  |
| 5. lockdown   | 79  |
| 6. vermishtes | 95  |
| 7. haiku      | 115 |

1. natur

## gedichte

gedichde senn wolkn  
manchmall reengds aus innern raus  
manchmall werd aus reeng schnäi  
manchmall bleims ä weil hängä  
dann zäings weidä  
gedichde senn wolkn  
manchmall loun sersi ned säing  
dann is dä himml blau



## an der wiesent

di sunnä brennd roo  
dä fluss rauschd vuä sich hii  
eintagsfliegen danzn iberw wassä  
di forelln schnelln assm wassä  
schnabbn nach eintagsfliegen  
im schaddn vonerm bamm  
hoggd ä angler und wadd  
dass di forelln oobeißn  
dä fluss rauschd vuä siich hii  
di sunnä brennd roo  
am himml ä aanzichs wöklä  
des ganz langsam widdä väschwind

# weidn am wassä

di weidn schdennä am wassä  
di weidn schauä affs wassä  
di weidn säing wäi es wassä  
an innern vobeiffäißd  
di weidn braung es wassä  
es wassä brauchd di weidn  
di weidn schdennä am wassä  
di bläddä vo di weidn funkln

# felsn

*in der fränkischen schweiz*

dä wind wäihd und wäiä wäihd  
obbä di felsn bleim schdäih  
seid ewichn zeidn schdäih  
weäs hiigschdelld houd  
waaß kannä will kannä wissn  
manche schbidzn blouß  
ä weng assm wald raus  
andre väschdeggn si  
wous schduukfinsdä is  
wäi vāvunschne brinzn  
wou kannä wachküssd  
wous schdennnä  
woä ämall ä meer  
ausgschdormä viechä  
väschdeinärungä  
des aanziche  
wos vo innern bliem is  
schdaa nix wäi schdaa  
obbä manchmall  
werrn aus felsn wolkn  
und dä himml schaud zou

# armer schboodz

*This sparrow/who comes to sit at my window /  
is a poetic truth / more than a natural one ...  
William Carlos Williams*

wenni gwissd hädd  
dass du dou  
vuä miä rumhubfsd  
häddi dä scho  
ä boä schdreisälä  
vo meim schdreiskoung  
ibrich gloun  
nou wärsd nu ä weng  
dou bei miä bliem  
und ned glei widdä  
foddgfluung

# fangäledds

im däif väschneidn gaddn  
joong si drei achhörnlä  
ä schwazz, ä brauns und ä rouds  
immä widdä vo amm baam  
zum andern und widdä zurück  
und hii und heä  
wäi wennis fangäledds schbilln  
und su schnell wäis kummä senn  
is allers aa scho widdä vobei  
vo di äsd riesld dä schnäi

# rotkehlchen

immä widdä dauchd  
wemmä grood ned droo denkn  
wäi assm nichts  
irchndwou im gaddn  
wäi wenss aff uns gwadd hädd  
ä rotkehlchen auf  
es is immä desselbe  
als weäs unschderbli

# schweig bub

in miä drin is ä bou  
deä gibd ka rouh  
deä will naus  
iich lounern raus  
obbä zum gligg  
kummdä immä widdä  
zu miä zurigg

ars vivendi<sup>ⓧ</sup>

[www.arsvivendi.com](http://www.arsvivendi.com)

ISBN 978-3-7472-0308-8

